

四庫全書

史部

欽定四庫全書

史部

御批歷代通鑑輯覽卷二百

詳校官侍講_臣王燕緒

編修_臣裴謙覆勘

總校官舉人_臣章維桓

校對官編修_臣朱紱

謄錄監生_臣彭邦經

欽定四庫全書

御批歷代通鑑輯覽卷一百

明

太祖皇帝

帝姓朱氏名元章字國瑞濠州鍾離人

先世家沛後徙句容宋李

大父被居泗州父又徙鍾離

父世珍

追諡仁祖高祖伯六追諡德祖曹祖四九追諡懿祖初

一追諡母陳氏

追諡生

四子帝其季也

帝生之夕紅光滿

自晨夜數有光輝陳氏見驚以為

年十七歲為僧

與下起兵

等事俱已見前

二十五起兵滁州初依郭子興後遂渡江克金陵以次平定東南移師北伐凡十有五載而成帝業焉

戊申洪武元年

是年一歲兩係說具前卷

秋八月以應天為南京開封

為北京

先是帝幸汴梁將營都而未果及是既克元都遂有

是命且下詔將以春秋巡狩

詔曰朕觀中原土壤四方朝貢道里適均其以

金陵為南京大梁為北京朕于春秋往來巡狩播告爾民使知朕意尋又命徙北平軍民于北京

始建六部

中書省初設四部掌錢穀禮儀刑名營造之事至是

定置吏戶禮兵刑工六部設尚書侍郎等官仍屬中

書省

各部各設郎中員外郎主事分理庶務考洪武時設官建置不在一時今據明史百官志舉

其要者隨時以

書餘不具載

大赦

仍諭有司利害當興革而詔書未載者具奏以聞

御史中丞劉基致仕

初帝北巡命李善長與基留守中書省都事李彬犯
法基按之罪當死彬素附善長善長請緩其獄基不
聽奏上竟殺彬

方奏至會祈雨善長曰禱雨可殺
人乎基曰殺之天必雨遂殺彬

由

是善長銜基及帝還善長愬基專恣

言基執人壇
壝下不敬

會

基有妻喪遂告歸

徵元故官至京師

元季之所以淪
亡不在寬而在
嚴弛明祖此論
深中其病至不

既至帝御奉天門召問元政得失馬翌對曰元有天
下以寬得之亦以寬失之帝曰以寬得之則聞之矣

以廢事為寬慢易為簡尤得為治要須馬器率爾陳對實為庸末之見豈知寬嚴自貴適中亦當相濟為用若專務姑息必垂明允之方過事刻覈亦非執恆之典皆無常於協中之道如皋陶贊許即眾以寬而其時殛流放寬未嘗中假所謂則問

以寬失之則未之聞也元季君臣耽于逸樂馴至淪亡其失在縱弛實非寬也聖王之道寬而有制不以廢事為寬簡而有節不以慢易為簡施之適中則無弊矣

帝如北京

放元宮人

九月江西行省參政陶安卒

安博涉經史帝渡江時首謁軍門陳王道

語具前

吳元

無則正善周安
寬耳

年徵諸儒議禮命安為總裁官諸禮多所裁定至是
卒追封姑孰郡公

冬十月帝還南京

十一月詔使訪求賢才

以孔子五十六世孫希學

字士行

襲封衍聖公希大世襲

曲阜縣知縣

元時衍聖公秩三品帝謂禮部曰孔子萬世師後嗣
秩止三品弗稱其授希學秩二品賜銀印置衍聖公

明祖論漢七國
事極為平允然
當時召釁之故
雖由是錯謀國
不賊而諸侯皆
修驕橫在大帝
時賢識已先見

官屬

曰掌書典籍司樂知印奏差書寫各一人

立孔顏孟三氏學

教授學錄夢司

各一

尼山泗水二書院

各設山長一人

復孔氏子孫及顏孟

大宗子孫徭役

其官屬皆行聖公選舉

手詔召劉基還

建大本堂

延儒臣教授太子諸王上時臨幸商榷古今評論經

史

上嘗御文樓太子侍問近與諸臣講何史對曰漢七國事上問曲直安在對曰曲在七國上曰此講

官一偏之說景帝為太子時以博局殺吳世子及為帝又輕聽晁錯黜削諸侯七國之變實由于此若為

及之則七國兵
賊甯由封建所
殺明祖果有鑒
于此即不應裂

地以王諸子且
所云諸王當知

夾輔王室毋撓

公法蓋以諭教

授儒臣使諸藩

之國守法度耳

然能保其始終

不渝耶若明祖

者所謂師古而

不知度今務名

而以致害實者

耳

諸子講此則當言藩王當上尊天子母撓天下公法
如此則為太子者知敦睦九族隆親親之恩為諸子
者知夾輔王室
盡君臣之義矣

十二月徐達克太原元庫庫特穆爾走甘肅山西平

達既定元都進取山西常遇春先下保定中山真定

馮勝湯和下懷慶度太行取澤潞庫庫特穆爾遣將

來禦戰于韓店

在潞安府
長治縣南

楊璟大敗會元帝自開平

注見前

命庫庫特穆爾復大都庫庫特穆爾乃引兵出

雁門由居庸以攻北平達聞之謂諸將曰庫庫特穆

爾遠出太原必虛北平有孫都督

時于北平置燕山六衛命都督副使

孫興祖會事華雲龍守之興祖濠人雲龍定遠人

足以禦之今乘敵不備直

擣太原所謂批亢擣虛者也彼若還救太原進退失

據必成擒矣諸將皆曰善乃率師趨太平庫庫特穆

爾至保安

元州明廢復置今州屬宣化府

聞之果還救過春謀于達

曰我騎兵雖集步卒未至驟與戰必多殺傷若夜襲

之可得志達然之會庫庫特穆爾將呼必勒瑪

舊作豁鼻

馬今改

來約降請為內應達夜選精騎襲其營庫庫特

穆爾方燃燭治兵書倉卒不知所出跣一足乘驛馬
從十八騎遁呼必勒瑪降得甲士四萬遂克太原乘
勢收大同分遣馮勝等徇猗氏平陽絳擒其守將榆
次平遙介休以次下山西悉平

己酉 二年春正月立功臣廟

帝親定功臣位次以徐達為首次常遇春李文忠鄧

愈湯和沐英胡大海

字通甫
虹人

馮國用

勝之
兄

趙德勝

潞
人

耿再成

字德甫
五河人

華高

舍山
人

丁德興

定遠
人

俞通海

字碧
泉濠

人徙

張德勝

字仁輔合肥人

吳良

定遠人初名國興後賜名

吳楨

良之弟初名國

賈後賜名

曹良臣

安豐人

康茂才

字壽卿

吳復

字伯起合肥人

茅成

定遠人

孫興祖凡二十二人立廟鷄鳴山

注見前

下死者

像祀生者虛其位又以廖永安

字彥敬永忠之兄

俞通海張

德勝桑世傑

無為人

耿再成胡大海趙德勝七人配享

太廟

免山東北平山西河南及畿內諸郡田租

倭寇山東

此明倭寇之始

二月詔修元史

大都既克得元十三朝實錄乃詔修元史以左丞相

李善長監修前起居注宋濂漳州府通判王禕字子充義

烏人為總裁徵山林隱逸之士汪克寬字德一祁門人胡翰字仲

伸金人陶凱字仲立臨海人魯魯字得之新淦人高啟字季迪長洲人趙訪字子

常休寧人等十六人為纂修帝諭善長等曰元初君臣樸

小康季世嗣君荒淫權臣跋扈兵戈四起民命顛危

間有賢智之臣言不見用用不見信遂至土崩其間

君臣行事有善有否賢人君子或隱或顯其言行亦

多可稱者爾等務直述其事毋溢美毋隱惡以垂鑒

明修元史全憑其十三朝實錄即無危素亦何慮其散佚無存至于元統以後史所未備素果足資詢考何不聞就而訪其遺事仍待遣使分求足素于文獻皆無足徵徒飾寺僧之言以文

戒聞六月書成而元統以後之史未脩乃分遣使者

十二人往北平山東採遺事明年續修仍以濂菴總

其事

先是元都破元翰林學士承旨危素趨所居報恩寺將入井寺僧大料力挽之曰國史非公莫

知公死是死國史也素遂止兵迫史庫往告鎮撫吳勉輦而出之元實錄得無失及素至京授翰林侍讀

學士年已七十餘一日帝御東園側室素行簾外履

聲索索然帝問誰也對曰老臣危素帝哂曰朕謂是

文天祥耳御史王著希旨論素亡國之臣不宜列侍從詔謫居和州守余闕廟歲餘卒危素字太模金

人

元丞相伊蘇侵通州平章曹良臣擊走之

其不死不澤可
賤乎籍六與史
為存亡則史既
成書即當舉程
嬰之例捐軀明
志以全臣節乃
簾外履聲視然
以老臣自命其
視馮道之不知
廉恥相去幾何
明祖以文天祥
諷之且以余闕
愧之其為畜生
亡義之小人示
微源然嚴于斧
鉞矣

大軍徇山西北平守脩單弱曹良臣守通州兵不滿

千人伊蘇將萬騎營白河

注見前

良臣曰吾兵少不可

與戰當以計走之乃于瀕河舟中多立赤幟亘十餘

里鉦鼓聲相聞伊蘇驚遁良臣出精騎逐北百餘里

元兵自是不敢窺北平

帝耕耤田

三月徐達克奉元常遇春克鳳翔

元將李思齊據鳳翔張思道

即張良弼
注見前

孔興都爾伯

等駐鹿臺

即鹿苑原在西安府高陵縣西南寰宇記原上有禱雨祠禱雨輒應

以衛奉

元徐達兵入關思道遁去郭子興

此郭子興一名興濠人

將輕

騎直擣奉元守將棄城走御史僧格實里郎中昂克

舊作王可檢討阿什克布哈

舊作阿失不花今並改

三原尹朱春俱

抗節死

僧格實里力窮不屈與妻子投崖死昂克仰藥死阿什克布哈自經死朱春將死謂其妻曰吾當以

死報國妻曰君能盡忠吾

遂改奉元路為西安府時

豈不能殉節俱投崖死

關中饑詔戶賑米三石民大悅遇春兵至鳳翔思齊

奔臨洮

夏四月命博士孔克仁

句客

授諸子經

功臣子弟俱令入學

馮勝狗臨洮李思齊降

時張思道弟良臣守慶陽徐達會諸將議所向皆曰
張思道之才不如李思齊而慶陽易于臨洮請先慶
陽達曰不然慶陽城險兵精猝未易拔臨洮西控羌
戎北界河湟得之其人足脩戰鬪物產足佐軍儲蹙
以大軍思齊不西走則束手就降矣臨洮既克于旁

庫庫特樓爾前此雖不免叛色及元占以後則獨力支持思為恢復之舉始終與民兵相持雖亦互有勝負其志不少撓屈則祖七致書而不然內益敬憚至以奇男子目之則疾風勁草實可見其乃心王室矣若李思齊

郡何有遂度隴克秦州下伏羌寧遠

宋若改縣今縣屬鞏昌府入

鞏昌遣馮勝逼臨洮思齊果不戰降

初思齊在鳳翔帝以書諭之且

言若果能審去就當以漢待竇融之禮相報思齊得書欲降其養子趙琦未狄道人紹思齊奔吐蕃思齊信之遂奔臨洮琦私竊寶貨婦女逃匿山谷問思齊窮蹙遂降琦尋亦來歸思齊至京帝深慰之授江西行省左丞不之官久之遣往招諭庫庫特穆爾至則待以禮尋使騎士送之還至塞下辭曰主帥有命請留一物為別思齊曰吾遠來無所齎騎士曰願得公一臂思齊知不能免遂斷與之還未幾卒

五月甲午朔日食

御史中丞章溢卒

初惟強強自專
與諸將日尋攻
故國恤國難追
宗社已移雖兵
重鎮猶不知保
力效忠與張思
道輩相犄角以
全西北一隅乃
聞待以賓融之
禮輒不戰而降
其肺腸殆不如
狗彘且視顏招
降在座特移兩
宣復知人間差
船事乎斷臂而
寘誅隨及周快

溢與劉基並拜御史中丞時廷臣伺帝意多尚嚴苛
溢獨存大體不以搏擊為能受詔赴閩擇鄉兵行至處
州遭母喪乞終制不許鄉兵既集再乞終制許之哀
毀卒帝痛惜親撰文祭之

六月常遇春克開平元帝奔和林

先是遇春下鳳翔詔還脩北平以李文忠副之至是

遇春文忠帥步騎九萬敗元將江文清于錦州

注見前

敗伊蘇于全寧

元置全寧路明廢故城在今喀喇沁故大寧城西北

進攻大興

人心然捕不若
數其罪而寸磔
之更足伸大義
於千古也

州

即興川金末嘗置治利民鎮俗呼為小興州故名此為大興州注見前

分千騎為八

伏守將夜遁盡擒之遂拔開平元帝北走追奔數百

里獲其宗王齊克憐

舊作慶生今改

平章鼎珠等斬之凡得

將士萬人車萬輛馬三千匹牛五萬頭薊北悉平

秋七月征虜副將軍鄂國公常遇春卒于軍

謚忠武

詔李

文忠領其衆

遇春師還次柳河川

在宣化府龍門縣西

暴疾卒年僅四十

遇春

沉鷺果敢善撫士卒摧鋒陷陣未嘗敗北雖不習書史用兵輒與古今合自言能將十萬衆橫行天下軍中

稱常十萬長于大將軍達二歲喪歸帝用宋太宗喪

聽約束惟謹一時名將稱徐常

趙普故事臨于龍江關名今在江寧縣西儀鳳門外

追封開平王

八月元兵攻大同李文忠擊敗之

文忠會徐達攻慶陽行次太原聞大同圍急謂左丞

趙庸

廬州人

曰聞外之事苟利于國專之可也遂出雁

門敗元遊兵于馬邑擒其平章劉特穆爾

舊作劉帖木今改

進至白楊門

在朔平府馬邑縣北

天雨雪已駐營文忠引數騎

入山察視疑有伏遽令移前五里阻水自固元兵果

內臣但備使令
當使畏法勿令
有功實為制馭
宦寺要旨明祖
以此重誠貽謀
不為不深乃未

乘夜來刦文忠令堅壁不動質明敵大至以二營委

之殊死戰度敵疲乃出精兵左右擊大破之擒其將

圖魯卜俘戮萬餘人窮追至孟克桑

方輿紀要在大同府邊外舊作

莽哥蒼

而還

先是元帝北走七噶哩布令都爾伯孔今改興以重兵攻大同欲圖恢復及是都爾

伯既被擒孔興走綏德其部將斬之來降元帝知事無濟不復南伺矣按噶哩布舊作蓋里泊今改

定內侍官制

論吏部曰內臣但備使令毋多人馭之之道當使畏

法勿令有功畏法則檢束有功則驕恣矣

數傳而閹豎即
擅權恣橫至末
季而流毒益甚
醜禍喪邦若全
不知有此論者
可見子孫不遵
祖訓鮮能保其
全緒此特其一
端耳

卷一百
封王顯為高麗國王

先是顯遣使朝貢且請封遂有是命

徐達克慶陽擒張良臣斬之陝西平

達自臨洮下蘭州襲走元豫王盡收其部落輜重還

出蕭關克平涼張思道懼使其弟良臣守慶陽而自

奔寧夏為庫庫特穆爾所執良臣以慶陽降達遣薛

顯蕭人受之良臣先出迎尋復叛襲傷顯達督兵圍之

良臣之降也執奏至京帝戒達曰張思道兄弟多譎
詐勿墮其計中良臣果叛達謂諸將曰上明見萬里

外今日之事一如上諭然良臣叛
祇取滅亡耳當與諸公戮力苟之
良臣求援于庫庫

特穆爾庫庫特穆爾遣將攻原州臨涇陽為慶陽聲

援達達馮勝扼驛馬關

在慶陽府安化縣西南舊有城

敗其將哈扎

噶爾

舊作解扎兒今改

等良臣被圍久數出戰不利糧乏絕

至焚人汁九泥燕之守者遂開門降良臣父子俱投

井引出斬之

良臣驍勇軍中呼小平章養子七人皆善戰軍中語曰不怕金牌張惟怕七條

鎗金牌張張思道驍將也良臣自以慶陽城高險上有井泉可據守又倚思道庫庫特穆爾為聲援賀宗哲噶扎噶爾為羽翼姚輝葛八為爪牙故降而復叛以圖大功及被圍猶日開門出汲馳騁城下達進營

通其四門由是不得逞其求援寧夏者又時元賀宗
志被獲將士相繼出降城遂破父子俱死

哲攻鳳翔指揮使金興旺與知府周煥嬰城守敵編
荆為大箕形如半觚五人負之攻城矢石不能入投
藁焚之輒颺起乃置諸藁中擲著其隙火遂熾敵棄
箕走復為地道薄城攻不已會百戶王輅收臨洮降
卒還入城共守敵拔營去衆欲追之輅曰未敗而還
誘我也偵之至五里坡伏果發還師復圍城衆欲走
興旺叱曰天子以城畀我豈可去耶以輅所將皆新

附乃括城中貲令曰敵退當大犒新兵新兵喜協力

固守持十五日敵聞慶陽下乃引去

宗哲尋掠蘭州達達馮勝率步

騎往擊宗哲渡河通勝乃還

修禮書

詔舉素志高潔博通古今練達時宜之士年四十以上者禮送至京纂修明年書成名大明集禮

九月置中都

以臨濠為中都營城郭宮殿如京師制

帝召諸老臣問以建都之

地或言關中險固或言洛陽天下之中汴梁為宋舊京或又云北平故元宮室就之可省民力帝曰所言皆善惟時有不同耳長安洛陽汴京實周秦漢魏唐宋故都但平定之初民未甦息朕若建都于彼供給力役悉資江南重勞其民若就北平宮室亦不無更作建業長江天塹龍蟠虎踞足以建國臨濠前江後淮有險可恃有水可漕朕欲建為中都何如羣臣皆稱善遂營之

冬十月詔天下府州縣皆立學

三年春正月遣徐達李文忠分兵北伐

時元帝尚在近塞

帝再致元帝書皆不報

而庫庫特穆爾攻蘭

州指揮于光

都昌人

力戰死

徐達軍還庫庫特穆爾偵知率兵奄至蘭州圍城數

重于光自鞏昌來援猝與敵遇力戰而敗被執使呼
城內出降光大呼曰我不幸被執公等堅守大軍旦
夕至矣敵怒拔其類遂遇害城中聞
光言守益固庫庫特穆爾尋引去
帝以遠為大將

軍文忠及馮勝鄧愈湯和副之分二道出兵遠自潼

關出西道擣定西

元州明改安定縣
今縣屬鞏昌府

取庫庫特穆爾

文忠自居庸出東道絕大漠追元帝二月文忠至興

和

注見前

降其守將進兵察罕諾爾擒元平章珠展次

駱駝山

在張家口外鎮黃
旗察哈爾東南

走平章沙布坦音

舊作沙
不丁今

改

次開平降平章沙達哈

舊作上都
今改罕等

吏部請謫有罪于僖崔不許

帝曰前代謂僖崔為化外以處罪人朕今天下一家若有風俗未淳宜更擇良吏治之豈宜居罪人耶

二月追封郭子興為滁陽王

立廟滁州祀之仍以其三子從祀

夏四月封子九人為王

棟

帝第二子
皇后出

為秦王

封西

桐

帝第三子
皇后出

為晉王

封太

棣

帝第四子即
成祖皇后出

為燕王

封北

櫟

帝第五子
皇后出

為吳王

有

封建不可行於
後世昔人已詳
論之若宋元之
亡本不由於派
立且宋祚精弱

即有屏藩在外亦無能為元則強藩在外雖兵屢作不請轉貽內患皆已事之可徵者明祖欲大封諸子假此立言實未為允無論燕王恃其強盛骨肉相殘不旋踵而成篡奪之禍即其後高煦宸濠稱兵肆逆視漢之吳漢淮南相去有幾及末世流寇

請置護衛于杭州帝以財賦損帝第六子為楚王封武昌棹

帝第七子為齊王封青州梓帝第八子為潭王封長沙檀帝第十子

郭寧封兗州為魯王從孫守謙帝長兄子為靖江王封桂林

孤立失古封建意于是擇名城大都豫王諸子待其壯而遣就諸服外衛邊陲內資夾輔其制祿親王歲萬石置相傅官屬護衛甲士少者三千人多者至萬九千人籍隸兵部冕服車旗邸第下天子一等公侯大臣伏而拜謁禮無與鈞體制崇重惟列爵而不臨民分藩而不錫土與周漢封國稍異焉

徐達大破庫庫特穆爾于沈兒峪

在鞏昌府安定縣北之車道峴南

達至安定庫庫特穆爾退屯沈兒峪達進軍薄之隔

充斥諸王亦惟束手就斃求其足資夾輔者又有何人則其是非得失益瞭然可見保世昌後自有大經豈在拘泥不可復行之古法乎

溝而壘日數交戰庫庫特穆爾遣精兵千餘人由間道
刦東南壘左承胡德濟倉猝失措軍驚擾達親擊却
之德濟大海子也達械送京師而斬其下趙指揮等
數人以徇明日整兵奪溝殊死戰大破庫庫特穆爾
兵擒郟王濟王及國公平章以下文武僚屬千八百餘
人士卒八萬庫庫特穆爾僅挾妻子數人遁去至黃
河得流木以渡遂奔和林達自徽州元置今改
縣屬泰州南出一
百八渡河名在漢中府略陽縣東源出嶽縣
下流入嘉陵江渡凡一百八處故名至略陽

德濟雖功臣之
子而失機值事
邦有常刑然徐
達斬其下數人
以徇而械送德
濟京師使王章
未為大失明祖
釋之實流于輕
縱且以書諭徐
達掩已過而投
人柄獲直之喻
未可為辭之正
也

以下注
俱見前

克沔州入連雲棧攻興元取之鄧愈亦自臨

洮進克河州

德濟至京師帝釋之而以書諭達曰將
軍效衛青不斬蘇建耳獨不見穰苴之

待莊賈乎且將軍在軍中誅之則已今下廷議吾且
念其信州諸暨功不忍加誅繼自今將軍毋事姑息
是役也都督孫興祖戰死五
卽口帝深悼惜追封燕山侯

封陳日烜為安南國王

元帝殂于應昌

注見前

詔謚之曰順帝

國人謚曰惠宗

子阿裕實哩達喇嗣

五月始設科取士

時以天下初定令各行省連舉三年自後三年一舉鄉試以八月會試以二月

李文忠克應昌獲元密迪哩巴喇

舊作買的里八剌今改後仿此送京師

文忠聞元帝殂督兵兼程進圍應昌克之元嗣君

阿裕實哩達喇北走獲其子密迪哩巴拉及后妃諸

王官屬數百人并獲宋元玉璽金寶玉冊鎮圭大圭

玉斧等駝馬牛羊無算窮追至北慶州

遼置故城在今巴林西北

遼史地理志慶州元寧軍有赤山黑水即此

而還道興州

注見前

擒國公江

文清等降三萬七千人至紅螺山

亦作紅羅山一統志今獨石口北

御馬廐西有烏蘭哈朗嘴山即紅螺山也明初李文忠敗元兵於此

又降楊思祖之衆

萬六千餘人

是月旱六月朔帝親禱于山川壇越五日雨

帝齋于西廡皇后躬執爨為農家食太子諸王饋于

齋所帝素服草屨徒步至壇席藁曝日中夜卧于地

凡三日詔省獄囚命有司訪求通經術深明治道者

越五日大雨

不以元裔獻俘而援周武王唐太宗之事為証見理甚正立意尤為忠厚至捷奏稱賀今元故臣勿與及改詔書修大之詞而述其先世皆賴以生養既勵不市二姓之節並寓不忘統一之尊明祖此舉仁義兼至足與漢之馬光相比量矣

頒平定朔漠詔于天下封密迪哩巴拉為崇禮侯

李文忠捷奏至羣臣慶賀帝命朝臣嘗仕元者勿與

翌日中書省草詔進帝見有侈大之詞諭改之

帝責省臣

曰元主中國百年朕與卿等父母皆賴其生養元之興亡自是氣運于朕何預而以此張之四方有識之士口雖不言心未必以為是也可更草以進密迪哩巴拉至京師羣臣請

獻俘帝曰武王伐殷用之乎省臣對唐太宗嘗行之

帝曰是待王世充耳若遇隋之子孫恐不爾也令以

本服朝見賜冠帶母妃皆朝中宮賜第龍光山

蓋即龍舟

山一統志覆舟山一名龍舟
山在江寧府東北太平門內

立開中鹽法

山西行省請令商人于大同倉入米一石太原倉入
米一石三斗給淮鹽一小引商人鬻畢即以原引赴
所在繳之帝從其請召商輸糧而與之鹽謂之開中
其後各行省邊境多召商中鹽以脩邊儲計道里遠
近自五石至一石有差

徙蘇松嘉湖杭民無業者田臨濠

凡四千餘戶給牛種車糧資遣之三年不徵稅

其後復徙

北平山後民散處諸府縣又徙沙漠遺民屯田北平又徙江南民十四萬于鳳陽又徙山西民于河北又徙徙浙西及山西民于滁和北平山東河南終洪武之世徙民最多

秋七月中書左丞楊憲

字希武陽曲人

有罪誅

憲有才辨裁決明敏然意刻深有不足于己者輒中

傷之在中書欲盡易省中故事凡舊吏皆罷去更用

己所親信者汪廣洋

字朝宗高郵人

為右丞以憲專決依違

不與較猶不能得憲意憲竟逐侍御史劉炳劾罷廣

洋且請徙之廣南帝不從已復有所論劾帝覺其誣
下炳獄炳吐實遂誅憲

冬十一月大封功臣

先是徐達李文忠師還至龍江帝出勞于江上越二
日以武成告于郊廟令大都督府兵部上諸將功績
帝自定其次第至是遂班爵行賞進李善長韓國公
鄧愈衛國公常遇春子茂鄭國公湯和等侯者二十
八人已又封汪廣洋忠勤伯御史中丞劉基誠意伯

越三日大晏翌日諸臣入謝帝賜坐華蓋殿從容論
取天下之畧曰朕起鄉里本圖自全及渡江以來觀
羣雄所為徒為民害張士誠陳有諒尤為巨蠹士誠
恃富友諒恃強朕獨無所恃惟不嗜殺人布信義行
節儉與卿等同心共濟初與二寇相持士誠尤逼近
或謂宜先擊之朕以友諒志驕士誠器小志驕則好
生事器小則無遠圖故先攻友諒鄱陽之役士誠卒
不能出姑蘇一步以為之援向使先攻士誠姑蘇堅

守友諒必空國而來吾腹背受敵矣及北定中原先
山東次河洛止潼關之兵不遽取秦隴者以庫庫特
穆爾李思齊張思道皆百戰之餘未肯遽下急之則
併力一隅猝未易定故出其不意反旆而北燕都既
舉然後西征張李望絕勢窮不戰而克然庫庫特穆
爾猶力抗不屈向令未下燕都驟與角力勝負未可
知也

自正月至十二月中屢有黑子詔求直言

四年春正月李善長罷以汪廣洋為右丞相胡惟庸

定遠為左丞

明祖擇賢任相
求之甚嚴劉基
既承顧問則當
實舉所知以副
側席之意乃僅
于所指之人各
為評薦且又自
謝不能而以天
下何患無才惟
在老心求之二
語卿且塞青使
基實有所知則

善長貌寬和而性伎刻比進封大國意稍驕帝頗厭
之以疾致仕初帝嘗以吏事責善長劉基言善長勲
舊能調和諸將帝曰是數害君君乃為之地耶吾行
相君矣基頓首曰是如易柱必得大木若束小木為
之且立仆帝又嘗欲相楊憲憲素善基基立言不可
曰憲有相才無相器夫宰相者持心如水以禮義為

不宜隱曜其辭
以誠厚嗟若無
所指實又不應
徒托空言世以
憲及惟庸廣洋
相繼敗事皆如
基所料許其知
人然于前席時
咨不能進臂助
理又何足悔乎

權衡而已不與焉者也帝曰汪廣洋何如曰禍淺殆
甚于憲又問胡惟庸曰譬之駕懼其傾轅也帝曰然
則無逾先生對曰基疾惡太甚又不耐繁劇為之且
孤上恩天下何患無才惟明主悉心求之目前諸人
誠未見其可及憲惟庸廣洋皆敗如基言
以湯和為征西將軍傅友德為征虜前將軍師伐明
昇

先是帝遣平章楊璟招諭明昇令奉國入覲昇牽于

羣議不能決

昇年幼國事皆決于母彭氏及丞相戴壽等謀還復以書切諭禍福昇不能從

已而帝遣使假道征雲南昇不奉詔其將吳友仁又

數寇興元

徐達之克興元也令金興旺守之及達還西安友仁以兵三萬來攻決濠填塹勢甚

張興旺嬰城拒守遣使告急于達達遣傅友德救之友仁乃引去

至是乃下詔伐之

命湯和帥副將軍周德興

濠州人

廖永忠等以舟師由

瞿塘趨重慶傅友德帥副將軍顧時

字時舉濠人

等以步

騎由秦隴趨成都鄧愈督餉給軍

二月元參政劉益以遼陽降

益為元遼陽行省叅政籍所部來降詔立遼陽指揮使司以益為指揮同知未幾元平章馬彥暈洪保保

殺益右丞張良佐執彥暈殺之保保走依納克楚

作

納哈出今改後仿此

良佐因權衛事執彥暈黨以獻帝授良佐

蓋州衛指揮僉事既念遼陽懸絕納克楚未靖乃設

遼東都指揮使司命葉旺

六安人

馬雲

合肥人

往鎮之

納克

楚者元穆呼哩高孫為太平萬戶府帝拔太平獲之待之甚厚納克楚常鬱鬱不樂帝召語之曰人臣各為其主况爾有父母妻子耶乃縱之北還其後屢為邊患帝數以書諭之皆不答

夏六月湯和下重慶明昇降

帝之遣和友德也諭之曰蜀人聞我師西伐必悉精銳東守瞿塘北阻金牛若出不意直擣階文門戶既隳腹心必潰兵貴神速患不勇耳友德疾馳至陝西集諸軍聲言出金牛而潛引兵趨陳倉攀援巖谷晝夜行抵階州敗其將丁世珍克其城蜀人斷白龍江橋

在階州南亦曰南橋造舟為梁跨白龍江上白龍江原出鞏昌府岷州經階州文縣與白水江合白

水江注見前

友德修橋以渡破五里關

在文縣北

遂拔文州進

破綿州將渡漢江會水漲不得渡友德命伐木造戰
艦欲以軍聲通瞿塘乃削木為牌數千書克階文綿
日月投漢水順流下蜀守者見之皆解體其丞相戴
壽等聞階文綿已破急分兵援漢州未至友德舟師
已逼大破其守將向大亨于城下援師膽落友德迎
擊大敗之遂拔漢州廖永忠兵至瞿塘阻鐵鎖橋先
明昇遣黃仁壽以鐵索橫斷瞿塘峽口鑿鑿而
崖石壁引鐵索為飛橋用木板置砲以拒守師
不得進永忠密遣數百人持糗糧水筒昇小舟踰山

度關出其上流蜀山多草木令將士皆衣青蓑衣魚
貫走崖石間度已至帥精銳出黑葉渡夜五鼓分兩
軍攻其水陸寨水軍皆以鐵裹船頭置火器而前黎
明蜀人始覺盡銳來拒永忠已先破其陸寨將士昇
舟出江者一時並發鼓譟而下下流之師亦擁舟急
擊上下夾攻大破之入夔州明日和始至乃分道進
永忠帥舟師直擣重慶昇大懼羣下勸奔成都昇母
彭泣曰成都可到亦僅延旦夕耳不如早降昇乃面

縛銜壁與櫬率官屬降于軍門和等承制撫慰之友
德進圍成都身中流矢不退將士殊死戰突其象陣

象反走躡籍死者甚衆遂降成都分兵徇州邑蜀地

悉平

戴壽向大亨既降至夔峽皆鑿舟自沉死吳友仁守保寧城破執至京戮于市丁世傑守文州

時友德攻之擄險力戰汪興祖死焉文州破遁去已復以兵破文州殺朱顯忠友德擊走之明昇既亡復集餘衆攻秦州兵敗為其下所殺

秋七月以方克勤

字去矜寧海人

知濟寧府

今兗州府濟寧州明初為濟寧府尋

降為州

克勤為治以德化為本不喜近名曰近名必立威立
威必殃民吾不忍也時詔民懇荒闕三歲乃稅吏不
俟期徵民輒棄田去克勤稅如期區田為九等以等
徵發吏不得為奸立社學數百區葺孔子廟堂延名
士為師弟子繫籍者二千人盛夏郡將督民築城克
勤曰民方耕柰何以畚鍤重困之請之中書省得罷
役會天旱遂大澍

濟寧人歌曰孰罷我役使君之力孰活我黍使君之雨使君勿去我

民父
母

封明昇為歸義侯

昇至京羣臣請帝御殿受俘如孟昶降宋故事帝曰
昇幼弱事由臣下與昶異免其伏地待罪之儀授爵
歸義侯賜居第

九月庚戌朔日食

設糧長

糧長督輸一鄉
稅糧擇淨原者
為之本常不可
省追呼之擾然
此不過鄉里小

詔以田多者為之督其鄉之稅糧以萬石為率設長
副各一人輸以時至得召見語合輒蒙擢用其後官

民足供使冬盜
宜假以顧色復
因而匿用其後
流弊百出貽患
無窮實由于能
慎之始耳

軍兌運法行而糧長不廢科歛橫溢滋為民害其孱
弱者復為勢豪所陵耽延逋負率鬻產以償遂至隕
身喪家云

冬十二月建漢中知府費震

鄱陽人

尋釋之

震以賢良徵為吉水知州寬惠得民擢知漢中府歲
凶多盜震發倉粟十餘萬石貸民盜聞皆來歸鄰境
民亦爭赴震令占宅自為保伍籍之得數千家至是
坐事被逮帝曰良吏也釋之以為牧民者勸授寶鈔

局提舉

震後以提舉摺戶部尚書出為湖廣布政使卒

壬子

五年春正月遣翰林院待制王禕使雲南被執不屈死

元梁王巴咱爾幹爾密

舊作巴匝刺兀爾密今改後仿此

鎮雲南

大都不守順帝北去王歲遣使自塞外達元帝行在
執臣節如故蜀地既平天下大定帝以雲南僻遠難
進兵而王所遣漠北使者蘇成適為北平守將所獲
乃命禕齎詔偕成往招諭王待禕以禮會元主遣托
克托徵餉雲南知禕在王所疑王有他意脅以危語

王不得已出褊見之托克托欲屈褊褊叱曰天既訖汝元命燭火餘燼敢與日月爭明耶我奉使遠來豈為汝屈遂自刎梁王具衣冠歛之

徙陳理明昇于高麗

或告陳理明昇有怨言帝曰童儒輩言語小過不足問但恐為小人蠱惑將不能保始終宜處之遠方則隙無自生乃徙高麗

遣徐達李文忠馮勝等分道征庫庫特穆爾達軍敗績

文忠勝敗元兵而還

帝以庫庫特穆爾數擾邊命達為征虜大將軍出雁

門趣和林李文忠為左副將軍出居庸趣應昌勝為

征西將軍出金蘭趣甘肅三月達先遣都督藍玉

定遠

人敗庫庫特穆爾于圖拉河

源出喀爾喀鄂諾河西
北下流與鄂爾沖河合

我國拉河舊作土刺河鄂爾
昆河舊作阿魯渾河今並改

五月庫庫特穆爾與

賀宗哲合兵拒達于嶺北達軍敗死者數萬人勝至

蘭州遣副將軍傅友德前驅再敗元兵拔甘肅下額

齊訥路

注見前

次畢道山

方輿紀要山在梁州邊外舊作別篤山今改

元岐

王多爾濟巴勒遁去獲其平章昌嘉努

舊作長加奴今改

等

二十七人友德復追至瓜沙州斬獲甚衆文忠至邠

爾坤河

源出喀爾喀杭愛山南流數百里圖拉河來入焉

馬中泚矢指揮李

榮以所乘馬授文忠而自奪敵馬乘之文忠殊死戰

遂破敵追奔至青海

注見前

椎牛饗士而還

以鄧愈為征南將軍討湖南廣西蠻

辰澧諸蠻作亂

慈利土司覃垕連構諸洞蠻為寇楊環討之垕遁入溪峒師還尋復出寇

周德興討之
度復遁去

帝命愈往討以周德興吳良副之愈出

澧州討散毛

今澧南府來鳳縣元時為散毛洞明設土官宣撫司隸施州衛

諸洞蠻

德興出南寧

本邕州元改南寧路明為府今府屬廣西

討婁鳳

宋羈縻州元廢地在

今思恩府

安

元來安路地在今田州西

田

唐置田州曰橫山郡明為上府後降為州今州

屬思恩府

諸州蠻良出靖州

汪見前

討會同

宋縣今屬靖州

五開

今貴

州黎平府開泰縣

明初為五開衛

潭溪

宋置長官司元明不改今司屬黎平府

古州

註見

前諸蠻悉平之

二月安南陳叔明弒其王日煜而自立遣使入貢却之

叔明纂立懼討遣使入貢以覲朝廷意主客部

洪武初設

六部部各四屬俱亦稱部至二十九年各部增設所屬始俱定清吏司主客部禮部屬

已受表

主事曾魯取副封白尚書詰使者曰前王日煜今何驟更名使者不敢諱具言其實帝曰島夷乃狡獪如是卻其貢叔明復遣使謝罪乃命以前王印視事

置茶馬司

戶部言陝西四川茶宜十取其一以易番馬從之于諸產茶地設茶課司定稅額設茶馬司于秦洮河雅

諸州自碣門

注見前

黎雅抵朶甘烏斯藏

即今西藏明初置朶甘烏

斯藏二指揮司

行茶之地五千餘里西方諸部落無不以馬

售者

三月免京民役

時當運輸官物應天府請悉役京民帝曰京民自開國以來勞費倍于外郡今兵革漸息正當休養命免其役未幾又賜京民絹戶一匹

高麗國王遣子弟入國子學

夏六月作鐵榜戒功臣

帝以功臣不能檢下作鐵榜臚目

目凡有九

以申戒之

冬十一月納克楚侵遼東

十二月詔百官奏事啓皇太子

癸丑六年春正月令天下府州縣官入覲

帝諭之曰慈祥愷悌身之德也刻薄殘酷德之賊也
若偽為慈祥必無仁愛之實偽為愷悌必無樂易之
誠爾等勉之

元自順帝北居
洪漢子孫相繼
嗣位蒙其故號
雖國祚已失而
南向出兵猶有
興復之志雖如
米與余元未居
敵國雖稱臣稱
姪而其北伐亦
不得以敗書之
也明史治襲舊
文于元兵皆以
寇書高昌為未當

今特據金元宋
相伐之例悉如
改正庶乎情理
平而體例允協
耳

郊壇理宜誠肅

駭奔執事宜宜

司以羽流當時

議禮諸臣如劉

基宋濂詹同等

俱博古而達於

政體何不聞一

言匡正即至嘉

靖時而蘇軾事

興茲以崇尚道

教為抑斯其盛

選朝天宮

在上元縣西即吳冶城
宋天慶觀也明初改名

道士供事郊壇

天地社稷山川香幣皆令司之

汪廣洋罷為廣東行省叅政

時左丞胡惟庸專省中事廣洋無所建白故黜之

二月停科舉諭有司察舉賢才

帝初以官多闕員舉人俱免會試赴京聽選又擇其

年少俊異者張唯王輝等為翰林院編修入禁中文

華堂肄業命贊善大夫宋濂為之師帝政暇親臨

其文日給光祿酒饌每食皇太子親王迭為之主歲時賜賚甚厚至是以所取多後生少年有文無實遂罷科舉別令有司察舉賢才以德行為本文藝次之其目曰聰明正直曰賢良方正曰孝弟力田曰儒士曰孝廉曰秀才曰人才曰耆民皆禮送京師不次擢用而各省貢生亦由太學以進于是罷科舉者十年先是禮部請增廣國子生帝曰朕觀前代學者皆能出為世用後世師不知所以教弟子不知所以學以記誦為能欲其成材也難矣今祭酒乏人可訪才德兼脩宜為人師者以聞帝又嘗令國子生習騎射論

射為六藝之一
古者教士所必

資而澤宮之典
尤重自後世又
武分途專以射
為武事于是習
文學者不復究
心正觀策衣博
帶於比禮比樂
之道間之茫然
此古今異宜所
不能強也明祖
諭國子生習騎
射未嘗不有志
法古然謂如此
即足以經邦戡
亂則期望不免
過奢而其時亦

之曰古之學者文足以經邦武足以戡亂故能出入
將相定安社稷今天下承平爾等雖務文學亦豈可
忘武
脩耶

始命御史及按察使考察有司

初設六科給事中

先是統設給事中

秩正五品

掌侍從規諫補闕拾遺至是

始分為六科

分察六部

各設給事中

改從七品共八十一人

後每科

增都給事中一人

正七品

左右給事中一人

亦從七品

三月癸卯朔日食

未聞成均有細
於武備者則仍
不過虛文相尚
耳

命徐達等帥師鎮山西北平

先是帝命徐達李文忠練兵山西北平尋召還至是
以元兵窺塞乃命達文忠及馮勝鄧愈湯和等帥師

往鎮以備之

初元宗室四大王逃匿岢嵐山中結寨自固尋出攻武州指揮程桂等擊敗之

四大王遁去時元降臣劉元利張時用等知四大王尚在將攻太原謀為內應桂捕斬之四大王仍侵掠不止已而納克楚侵遼東軍士死者數千人國公魯爾等侵遷安縣殺知縣餘兵復臨雲內州及寧縣至是達駐臨清遣文忠及顧時傳友德等統騎兵勝和及俞通源朱亮祖等統步兵分駐山西北平相機脩築是年元兵復侵武朔保德諸州及雁門白登河曲撫寧諸地達俱遣將擊走之又指揮使常守道王納

等追元遣兵斬其左丞相呼圖克擒平章鼎鼎達又
自大同府遣將掩捕武平章等于懷柔縣之三角村

按魯爾舊作驢兒呼
圖克舊作忽都令並改

復以魏觀

字北山
蒲圻人知蘇州府

觀知蘇州府明教化正風俗郡中翕然課績為天下

最擢四川行省叅政以部民乞留命還任

初蘇州府
舊治張士

誠據以為官因遷于都水行司觀以其地湫隘還治
舊基又濬錦帆涇興水利或譖觀興既滅之基帝怒
命御史廉其事以聞遂被誅帝尋悔之命致祭歸葬
錦帆涇在蘇州府盤門內相傳吳王錦帆以遊故
名

夏六月京師城成

城周九十六里門十有三外城周一百八十里門十有六

秋七月以胡惟庸為右丞相陳寧

茶陵人

為御史大夫

自汪廣洋罷惟庸獨專省事帝以為才罷任之惟庸

亦自勵所為多稱旨遂至大用寧性殘刻

先為蘇州知府微賦

苛急嘗令左右燒鐵烙人肌膚吏民苦之號為陳烙鐵

以惟庸薦擢居憲臺益

務威嚴帝屢責之寧不能改

九月定有司季報歲報

皆杖同不仿府
州縣專決徒流
則當申核施行
議死以上并應
隨事上之於朝
聽裁處批令
月報季報已恐
懸壘集而玩愒
情若固有司受
賄弄法駁議多
淹則當示以懲
勸使知努力乃
轉改月為季改
季為歲并令府
州縣不得轉發
斷決是蓋假以

初府州縣戶口錢糧學校獄訟每月具書于冊縣達
州州達府府行省類咨中書吏牘煩碎而公私之多
糜費又有司決獄管五十者縣決之杖八十者州決之
一百者府決之徒以上具獄送行省或州縣受賕省
府弄法出入輕重文移駁議動多淹滯帝命中書省
御史臺詳議革月報為季報以季報之數類為歲報
凡府州縣獄囚依律斷決毋俟轉發其有違枉御史
按察使糾劾天下便之

冬十一月潞州貢人參却之

意緩之期且重
維其高下之便
即如吏按察當
能糾功而民之
冤抑已多況上
下相蒙未心盡
皆舉發乎文牘
雖省而流弊已
滋明代吏治不
修罔畏功令非
此革其議之作
法於原乎

人

閏月錄已故功臣子孫

功臣早世恩未及嗣者錄凡二百九人

十年又錄丁
忠等五百十

一人授指揮十
百戶等官有差

定大明律

先是帝頒律令恐民不能周知命大理卿周禎

字文典江

寧人等為之直解又令儒臣同刑官講唐律日進二十

餘條至是重命刑部尚書劉惟謙詳定大明律篇目
皆準于唐損益舊律凡六百有六條

甲寅七年春正月遣將屯田西北

時河南山東北平陝西山西及直隸淮安諸府雖有
屯田然尚未廣乃命都督僉事王簡等分往諸省經
理屯務明年又命李善長朱亮祖命通源撫諭諸屯

勸課農事西北田野日闢屯軍三分守城七分耕作
人授田五十畝給牛種教樹植復租賦官畝稅一斗
民以不困而軍餉益饒

遣總兵官吳禎巡海脩倭

倭屢寇瀕海州縣帝遣使往諭其王良懷良懷遣僧

奉表入貢未幾寇掠如故

先是帝遣使倭國告以即位且詰其入寇之故良懷

不受命已又遣萊州府同知趙秩往諭良懷見之曰
往者蒙古欺我小邦令其臣趙秩者來誅我今新天
子即位使者亦姓趙宜蒙古裔即目左右將刃之秩
不為動且嚴詞折之良懷氣沮下堂庭秩禮遇甚優

後在元時未嘗有侵擾海疆之事蓋由威令所攝不敢橫行觀其酋長之言謂欺我小邦使來謀我則其畏服元朝情事畢露矣明初遣使招徠致令縹緲往誘徒為所輕忽而恣其傲慢朝貢未久魁掠旋滋遂有巡海備倭之役終明之世倭警時聞嘗

遣其僧祖來奉表稱臣且貢方物帝甚嘉之念其俗佞佛可以西方教誘也遣僧祖關等送使者還賜良懷大統歷及羅淑等物祖關等至為其國演教國人頗崇奉之而良懷傲慢無禮拘之二年始放還乃

以禎充總兵官都督於顯副之總江陰四衛軍出

海至琉球大洋獲其兵船獻俘京師

其後屢遣僧奉貢但齋書上中

書省而無表且詞多倨慢帝却勿受命禮部移牒責之并諭以欲征之意自是朝貢不通而海上之警亦漸息

二月丁酉朔日食

修曲阜孔子廟

由子始之名悔
可見控禦外夷
之地但當塞以
聲靈使其澤不
敢犯如或輸誠
訪順則因而示
以柔懷若無端
與之聘問往來
妄為引致鮮有
不損財威而啓
戎心者也

立孔顏曾三氏子孫教授訓其族人

夏四月都督藍玉拔興和

時元將托音特穆爾守興和玉大敗其衆于白酒泉

在故興和城西南

擒國公特爾默齊

舊作帖里密赤今改

及官屬五十

九人托音特穆爾棄城走

五月日厯成

自起兵臨濠至六年冬征伐禮樂政刑及羣臣功過
四夷朝貢皆載焉既成名曰大明日厯藏之金匱

宋濂

請仿唐太宗貞觀政要分類更輯凡四十類名曰皇明寶訓自是凡有政事史官日記錄之檢類增入焉

六月汰北方府州縣官

帝以北方郡縣民稀事簡命吏部量減河南北平山

東府州縣官三百八人

秋七月李文忠拔高州

遼置明廢故城在今喀喇沁故大寧城西北

先是文忠奉命同徐達以所統將士分布山西北平

屯駐因遣兵出塞獲元平章鄧懋羅特穆爾

事在是年三月

尋遣裨將至賽音布拉克

川名在鞏昌府靖遠縣西北黃河外舊作三不刺今

改擒陳安禮至順寧斬其將沁珠克壘舊作真珠至

朔州擒太尉巴延布哈事在是年四月至是文忠復自率兵

攻高州拔之斬宗王托克托實哩舊作朵朶失里今改擒承旨

伯家奴舊作百家奴今改追奔至羶帽山在故大寧城北擊斬魯王

獲其妃及司徒達哈勒濟舊作答海俊今改等

九月遣崇禮侯密迪哩巴拉北歸

遣老成宦者二人護行并遺元嗣居書

冬十一月定服制

貴妃孫氏

陳州人

薨勅禮部定服制禮部尚書牛諒等

奏儀禮父在為母服期庶母則無服帝曰父母之恩

一也低昂若是不情甚矣命儒臣考定宋濂等考古

人論服母喪者四十二人願服三年者二十八人服

期年者十四人帝曰三年之喪天下通喪人情所安

即天理所在乃定制子為父母庶子為其母皆斬衰

三年嫡子衆子為庶母皆齊衰杖期五服喪服皆有

升降書成命之曰孝慈錄頒天下

貴妃無子命吳王
補行慈母服斬衰

孝慈錄所定服
制輕重頗允乃

制書前頒而太子
子椒敢犯私意
以違父皇之旨
且恃爵爲倚長
泥薦說相爭去
道已虧尚何足
與言禮乎然爾
時太子之所以
抗帝之所以怒
羣臣之所以震
龍寶出於帝之
活名好古有以
然之又誰怨乎

三年主喪事皇太子及諸王皆齊衰杖期太子曰在
禮惟士爲庶母服總大夫以上則無服今陛下貴爲
天子臣忝居適長而爲庶母服期非所以敬宗廟重
繼體也不敢奉詔帝大怒羣臣震懼不知所出正字
桂彥良言于太子曰殿下當緣君父之情不可執小
禮以虧大孝因持衰服之太子乃服以拜謝帝怒始
解桂彥良名德
偁以字行慈谿人

高麗李仁任弒其王顯

顯無子以寵臣辛毗之子禍爲嗣于是仁任立禍

仁任

既弒顯又殺朝廷使者而遣使來告喪陽言朝使實
盜所殺今已誅之帝疑其詐拘其使而遣使弔祭已
仁任又爲故主請謚帝曰是欲假朝命以鎮撫其民
且掩其弒逆之事不許釋前使還自是朝貢皆不納

乙卯八年春正月詔天下立社學

帝以都邑皆有學而鄉社之民未沾教化命有司更立社學延師儒教民間子弟

河決開封

壞大黃寺堤百餘丈集民夫三萬餘人塞之

二月帝耕藉田

三月立鈔法

時中外各置局鑄錢有司責民出銅毀器物輸官頗以

為苦而商賈沿元之舊習用鈔而不用錢乃詔中書
省造大明寶鈔其等有六曰一貫曰五百文四百文
三百文二百文一百文每鈔一貫準錢一千銀一兩
餘以是為差禁民間不得以金銀貨物交易違者罪之稅
課錢糧兼收錢什三鈔什七百文以下止用錢
賜德慶侯廖永忠死

初永忠覆韓林兒之舟于永安

事見前

帝咎之及大封

功臣帝曰永忠戰鄱陽忘軀拒敵可謂奇男子然使

所善儒生窺朕意邀封爵故止封侯而不公永忠又素與楊憲比憲誅永忠以功大得免至是坐僭侈失人臣禮賜死

永忠勇而善謀行師有紀律平廣東四川民懷其惠俱為立祠既死于權嗣侯

夏四月罷營中都

帝初欲如周漢制建兩京至是以勞費罷其役

誠意伯劉基卒

基佐帝定天下工謀畫料事如神暇則敷陳王道帝以比張子房常呼先生而不名然性剛疾惡胡惟庸

深忌之初甌括間有隙地曰談洋為鹽盜數基奏立
巡檢司守之奸民弗便也合逃軍為亂吏匿不以聞
基令長子璉奏其事不先白中書省惟庸方掌省事
怒使吏訐奏談洋地有王氣基圖為墓迫逐居民以
致亂基坐奪俸帝初欲相惟庸基不可既而惟庸相
基曰使吾言不驗蒼生福也憂憤疾作惟庸挾醫往
視飲其藥如有物積腹中遂篤帝遣使護歸居月餘
卒

初基在元時得天文書于燕市一夕而誦其言已為高安丞進賢鄧祥甫精象緯學盡以其術授之

愈洞其要及病歸將卒前數日以天文書授子璉曰
亟上之毋令後人習也世傳基事多神奇然帝嘗言
基數以孔子之言導予是知陰陽風角之
術基所重固不在此璉字孟藻基長子

五月遣中官趙成使河州

自鈔法行西番馬至者少帝遣成齎羅綺及巴茶往

河州市之馬稍集中官奉使自此始

成尋為西番多
爾濟巴勒所殺

秋七月己未朔日食

詔百官奔喪毋俟報

京師地震

八月元庫庫特穆爾卒

自元時帝遣使通好于庫庫特穆爾庫庫特穆爾留使者不遣前後七致書皆不答既出塞復遣人招之亦不應帝益心敬之嘗大會諸將問曰天下奇男子誰也皆對曰常遇春帝曰遇春雖人傑吾得而臣之吾不能臣保保乃奇男子耳竟冊其妹為秦王之妃保保庫庫特穆爾小字也劉基亦嘗言于帝以庫庫特穆爾未可輕及徐達敗後大兵亦稀出塞庫庫特

穆爾從其主徙金山至是卒于哈喇諾海

在和林北
薦作哈拉

耶海
今改

之衙庭其妻毛氏亦自經死

九月遣湖廣叅政吳雲

宜興人

使雲南為所殺

帝以雲南未下再遣使招諭會梁王使其臣鐵知院等使漠北為官軍所獲帝釋之命與雲偕行知院等以已奉使被執且得罪乃誘雲改制書詐為元使者詔梁王雲以死拒知院等殺之

冬十月改都衛為都司

帝初置各部衛指揮使司節制方面至是詔改為都指揮使司凡都司十有三北平陝西山西浙江江西山東四川福建湖南遼東廣東廣西河南行都司三西安大同建寧十五年增置貴州雲南二都司

十二月納克楚侵遼東都指揮使馬雲葉旺擊敗之

帝以納克楚兵必至勅雲等預為脩未幾果至見備

禦嚴不敢攻越蓋州徑趨至金州

注俱見前

指揮韋富王

勝等伏弩城下擒其驍將敵大沮沿柞河

亦曰梓河在今奉天

府蓋平縣南
西流入海

趙旺先引兵扼河緣河壘冰為牆沃以

水經宿凝沍如堅城旁設坑穽敵至伏四起納克楚

急趨連雲島

在今蓋平縣西
明設關于此

遇冰城旁走悉陷穽中

衆大潰雲自城中出合兵追擊至畢魯河

即畢列河
在蓋平縣

東南下流入海唐代高麗劉仁愿出畢
列道蓋即以此水名今人謠為畢利河

斬獲無算納

克楚僅以身免

丙辰九年春正月遣湯和帥師鎮延安

元將巴延特穆爾為邊患帝以和為征西將軍防延

安是秋巴延特穆爾來侵和使傳友德破擒之降其衆

二月太白晝見

凡五日三日復見

三月免近畿及山西陝西河南福建河南浙江北平湖廣田租

夏六月改行中書省為承宣布政使司

浙江江西福建北平廣西四川山東廣東河南陝西

湖廣山西諸行省俱改為承宣布政使司罷行省平

章政事左右丞等官設布政司一員

秩從二品

置左右叅

政

秩從三品

各一員後設左右布政使各一員復又增置

左右叅議

秋七月癸丑朔日食

閏九月詔求直言

以五星纂度

先是六月有客星大如彈丸白色止天舍越數日益有光遂入紫微垣掃文昌

尋入于張凡四卜餘日乃滅

日月相刑故有是詔

冬十一月平遙訓導葉伯巨

字居升寧海人

應詔言事下獄死

伯巨上書言三事一曰分封太侈

畧言先王之制大都不過三國之一

今秦晉燕齊梁楚吳蜀諸國無不連城數十異時尾大不掉然後割其地而奪其權則必生觖望顧及諸王未之國之先節其都邑減其兵衛限疆理以待二

封諸王子孫割一時之恩制萬世之利莫先于此

二曰用刑太繁畧言臣又觀歷代開國之君未有不以

曰宋元之末專事姑息以致滅亡主上痛懲其弊故用刑多哉自聖衷治獄之吏趣承意旨深刻者多功

平反者履罪雖刪定薦例減宥有差然有寬宥之名未見寬宥之實所謂實者俱在上不在下也古之為

士者以登進為榮今之為士者以涸跡無間為福以受玷不錄為幸以屯田工役為必獲之罪以鞭笞捶

楚為尋常之辱其始也取天下之士網羅摭撫務無
餘逸有司敦迫上道如捕重囚比至除官多以晚選
所學非所用所用非所學居官一有差跌苟免誅戮
則必在此田工役之科率是為常不少顧惜此豈陛
下所樂為哉誠散人懼而不敢犯也然竊見數年來
誅殺亦不少矣而犯者相踵自今宜存大體赦小過

三曰求治太速

畧言昔者周自高帝至于文武至于成康教化
大行漢自高帝至于文景始稱富庶

致治之道果不可驟今陛下切切于民俗浹濟人不
知懼乃至令下而尋改已赦而復收天下臣民莫知
適從而不知稱陛下求治之心也臣愚謂求治之道莫
先于正風俗正風俗之道莫先于守令知所務風憲
知所重今之守令不過具文案條照刷而已風紀之
司不過聽從獻獄而已非所以使民遷善遠罪為治
之大者也古者教士于學俊造遞升論定後官任官
後爵故成周得人為盛今天下諸生升太學者未數

月遽選入官臣恐其人未諳時務上與國政而下困黎民也聞國以來選舉秀才不為不多所任名臣不為不重自今數之在者有幾此皆求治太速之過

書上帝大怒曰小子間吾

骨肉逮下獄瘦死

時上書者又有海州學正曾秉政刑部主事茹太素皆累萬言帝嘉

秉政而杖太素尋又採太素疏中數事行之因命中書定奏對式凡臣下上書言得失者文辭毋得過繁

初伯巨之上書也語其友曰今天下惟三事可患其二事易見而患遲其一事難見而患速縱無明詔吾猶將言之況求言乎其意蓋為分封也然是時諸王止建藩號未曾裂土而封不盡如伯巨所言迨帝末年燕王奉命屢出塞執始強後因削奪稱兵遂有天下人乃以伯巨為先見云

曾秉政南昌人茹太

素澤州人

蔡子英受蔡罕特穆爾父子知薦高不忘故帥之恩力全匹夫之節正色凜然其與已顏濟仲之齟齬自隨者同一熾然不滓視色素輩之偷生倖免奚啻天淵相判耶

十二月遣元臣蔡子英

永寧人

歸和林

子英元至正中進士蔡罕特穆爾辟為叅軍累遷行省叅政元亡從庫庫特穆爾走定西庫庫特穆爾軍敗子英單騎走關中入南山帝遣人繪形求得之傳詣京師至江濱亡去久之復被獲械過洛陽見湯和長揖不拜抑之跪不肯熱火焚其鬚不為動其妻適

在洛子英避弗見至京授以官不受退而上書

畧曰陛下

以萬乘之君全匹夫之節不降天誅反療其病易冠賜酒饌授以名爵陛下之量包乎天地臣感恩無極

非不欲自竭犬馬但名義所存不敢輒渝初志自惟
身本常布知識淺陋過蒙主將知薦躍馬食肉十有五
年愧無尺寸功以報國士之遇及國家破亡又復失
節何面目見天下士哉臣被獲以來日夜思維咎往
昔之不死至于今日分宜自裁陛下待臣以恩禮臣
固不敢賣死立名亦不敢偷生苟祿若察臣之恩全
臣之志禁錮南海畢其餘
生則雖死之日猶生之年

帝覽書益重之館之儀曹

忽一夕大哭不止人問故曰思舊主耳帝知終不可
奪命有司送出塞從其故主于和林

丁巳十年春正月翰林學士承旨宋濂致仕

濂年老帝憫之予告歸

濂每熱見必命茶賜坐濂素不能飲一日侍飲醉不能成

步帝歡甚命侍臣咸賦醉學士歌曰使後世知吾君
臣同樂如此也瀛嶽于步趨帝命選良馬以賜復為
作良馬歌命詞臣咸賦之及歸
後每歲一朝至則恩禮加厚

夏四月遣鄧愈帥師擊吐蕃平之

初鄧愈克臨洮遣員外郎許允德招諭吐蕃諸族而

以指揮使韋正

字正卿壽州人本姓竇為韋德成養子因冒姓韋德成初從帝渡江戰死

守臨洮會吐蕃來寇正擊降之

吐蕃屯洮河原正率兵往禦時河水未冰

不能進忽有冰如巨屋自上流下風隨之河水遂既
合正疾渡直擣敵營敵大驚以為神遂投戈降

而允德還元吐蕃宣慰司何索諾穆溫布

舊作何瑄南普今改

詣軍門降鎮西武靖王伯訥呼舊作卜納亦以諸郡

來降遂移正使守河州

時河州城邑空虛人骨山積象欽妄棄之正不可日夜撫巡勞

徒不數年

其後吐蕃所部往往邀阻蕃藏貢使是

許允德招降吐蕃于是烏斯藏攝帝師納木札勒布勒藏布及國公納木喀隆丹巴嘉木煠等皆入朝帝

置朵甘烏斯藏二衛其後數遣使朝貢多被吐蕃侵掠按納木札勒巴勒藏布薦作喃加巴藏卜納木

喀薩丹色嘉木煠薦作南哥思丹八亦監藏今並改帝命愈為征西將軍偕都

督同知沐英命之分兵三道窮追至崑崙山俘斬萬

計留兵戍諸要害而還

五月詔韓國公李善長曹國公李文忠議軍國重事

中書省都督府御史臺事悉總之議當然後奏行

六月詔臣民言事實封達御前

秋七月初置通政使司

通政司一人秩二品左右通政各一人秩正四品左右叅議各

一人秩正五品

掌出納諸司文書章奏封駁之事

始遣御史巡按州縣

巡按之設始此

俾詢民間疾苦廉察風俗申教化

巡按之設蓋仿漢時繡衣直指遺意偶一行之

或可藉以察民
隱而糾吏弊乃
竟定為員廟既
復重其事權其
事者既不免于
操切以致政令
紛歧而貪黷者
更易賄賂略苞
苴之弊又或交
通大吏上下相
賂其貽害于吏
治民生者更復
不小從來有治
人無治法民之
疾苦吏之賢不
肖豈區區一趙

九月以胡惟庸為左丞相汪廣洋為右丞相

惟庸居政府生殺黜陟或不奏徑行內外諸司上封
事必先關白四方躁進之徒及功臣武夫失職者爭
走其門饋遺金帛名馬玩好不可勝數廣洋浮沈守
位而已

冬十一月衛國公鄧禹卒

諡武順

愈征吐蕃還卒于壽春追封寧河王

愈沉毅簡重事
毋考撫幼弟有

思敬禮儒士有
士君子之行云

按遂能養察無
遺耶

十二月乙巳朔日食

戊午十一年春正月封子五人為王

椿

帝第十一子
郭惠妃出

為蜀王

封成

栢

帝第十二子
胡順妃出

湘王

封荆

桂

帝第十三子
郭惠妃出

豫王

帝第十四子
母部無名號

漢王

帝第十五

子韓

衛王其後桂改封代

封大

模改封肅

封甘

植改

封遼

封廣寧

徵天下布政使及知府來朝

命吏部課其殿最稱職無過者為上賜坐宴有過稱

職者為中宴而不坐有過而不稱職者為下不預宴序立于門宴畢然後退朝覲考覈自此始

三月詔奏事毋先白中書省

夏四月元阿育師利達拉卒

子特古斯特穆爾

舊作脫古思帖木
紀今改後倣此

嗣帝遣使往弔

自為文祭之

秋七月蘓松楊台諸府海溢遣使賑恤

冬十月河決蘭陽

開官典兵之藥
史總明祖
既讀唐書而嘆
息官官之專權
何以平一洞鑒
而兩遣內侍詣
軍觀兵聞勝後
世監軍之失由
此激醜尚得云
深鑑前轍僅使
傳命四方哉

十一月總兵官楊仲明討五關叛蠻平之遣內官呂王
詣其軍

先是五關蠻吳面兒作亂殺靖州衛指揮過興詔以
辰州指揮使楊仲明為總兵官討之既而帝遣內官
吳誠往諭仲明及觀兵勢及是仲明討破諸蠻面兒
遠遁帝復遣尚履奉御呂王詣軍閱勝是役帝兩使

內官至軍云

帝嘗讀唐書至魚朝恩為觀軍容使謂侍
臣曰當時使此曹掌兵致恣肆如此然

代宗一旦去之如孤雛腐鼠小人竊柄人主決意去
之亦有何難惟在斷不斷耳又曰漢末宦官雖驕縱

尚無兵權唐以兵權授之馴至刻脅天子廢興在其
掌握朕深鑒前轍左右服役之外重者傳命四方而
已

遣僧宗泐

字季潭寧海人

使西域

帝以佛經遺佚遣泐偕其徒往求之三年而還

泐還額埒

燕軍民萬戶府拜哲萬戶府俱遣使隨泐朝貢額埒燕舊作俄力思拜哲舊作已者今並改

未已十二年春正月始合祀天地于南郊

帝以分祀天地情有未安乃作大祀殿于圜丘壇址

合祀天地

遣征西將軍沐英擊洮州番大破之

洮州十八族番酋三副使等叛據納琳七站地在洮州西

帝命英討之復命李文忠往籌軍事英至洮州舊城

在洮州西南即古洮陽城也後漢書西羌傳諸羌退聚洮陽即此寇遁去追擊大

破之擒三副使等築城東籠山在洮州東番人耕種于此置洮州

衛舊衛屬臨洮府今為廳屬鞏昌府文忠言官軍守洮州餉艱民勞

帝曰洮州西控蕃戎東蔽湟隴漢唐以來備邊要地今蕃寇既斥棄之不守數年後將復為患慮小費而

忘大虞宜良策裁卒置衛守之

平羌將軍丁玉

初名國珍河中人後賜名

擊松州番平之

先是四川威茂土司董帖里叛以玉為平羌將軍討

之玉至威州貼里降

時指揮胡淵童勝擊降汶川叛酋陽者七等詔置茂州衛仍命

淵等從玉軍征松州

及是松州平玉遣指揮高顯城之遂併潘

州于松州置松潘衛明年帝以松州遠在山谷屯種

不給命罷之未幾指揮耿忠經畧其地言松州為番

蜀要害地軍衛不可罷乃命復置

致仕而給復終
身恤下之典已
至且仍具章服
更足表異蔭民
乃驟予以誥勅
復量其品秩加
級無端而恩及
林泉于義實無
所取至朝廷尚
爵鄉里尚萬尤
古今通義顧令
其于異姓不為
答禮庶民以官
禮謁見啓其僞
傲自尊之習毋

秋七月以李文忠領大都督府事

八月給致仕官誥勅復其家

秩三品以上仍舊四品以下各加一級給誥勅復其

家終身無所與

其居鄉與宗族親黨相見序尊卑如家人禮凡異姓無官者相見不答禮庶

民則以官禮謁見

冬十二月賜汪廣洋死

廣洋與胡惟庸同相惟庸所為不法廣洋知而不言

御史中丞涂節言劉基遇毒死廣洋宜知狀帝問之

怪明李紳七郎
田肆行鄉曲日
姓下敢與之相
抗貽患無窮皆
此舉有以釀成
之也

對曰無有帝怒責廣洋欺罔貶海南舟次太平賜死

徵元吏部侍郎巴延資中

西域人祖父仕江西國家
馬薦作伯顏子中令改

不

至飲鴆卒

巴延資中初為元建昌教授江西盜起授分省都事

使守贛州而陳友諒兵已破贛巴延資中間道走閩

陳友定素知之辟為行省員外郎巴延資中出奇計

收復建昌浮海如元都獻捷累遷至吏部侍郎持節

發廣東何真兵救閩至則真已降于廖永忠巴延資

劉基遇毒及惟
庸反狀皆自涂
節賢之及獄成
而節亦同戮且
以逆黨目之揆
之于理殊未可

中墮馬求死不得折其一足永忠釋之乃變姓名浪
迹江湖間帝求之不得簿錄其妻子已延資中竟不
出常齋鳩自隨誓不復仕至是江西布政使沈立本
言于朝以幣聘已延資中慨然曰死晚矣為歌七章
哭其祖父師友飲鳩死

庚申
十三年春正月胡惟庸謀反及其黨陳寧涂節等皆
伏誅

惟庸貪賄弄權無所畏忌其定遠舊宅井中忽生石

信節如果為惟庸謀主寧不知事敗之必將自累乃轉以首告希圖倖免實情事所必無況從逆須有左証如陳寧同坐省中閱兵馬籍附和之狀昭然若節則並無一事載在是書而僅以其黨兩字坐之又何異于莫須有定獄且陳寧奸狀史傳所載

笋出水高數尺諛者爭言瑞氣又言其祖父塚上夜有光惟庸益喜自負有異謀吉安侯陸仲亨自陝西歸擅乘傳平涼侯費聚奉命招降蒙古無功帝皆切責之二人懼惟庸陰以權利脇誘之令在外收輯軍馬又與陳寧坐省中閱天下軍馬籍令都督毛驤取衛士劉遇賢亡命魏文進等為心膂太僕寺丞李存義者太師善長弟惟庸婿李佑父也惟庸陰令說善長善長驚悸曰爾言何為者若爾九族皆滅後十餘日

其詳未嘗有一語及節而節亦別無事蹟是寧與節雖同以胡黨見誅其虛實判然可見蓋必惟庸憾節發其逆謀妄加誣引而當時亦不求左驗遽行具獄節遂無以自明耳今以明史及洪武實錄互證之足以釋千秋疑案後此藍玉之反載玉強辯

惟庸又令存義告善長善長不能制惟庸乃遣指揮林賢下海招倭與期會又遣元故臣封績致書稱臣于元請兵為外應事皆未發會惟庸子馳馬于市墜死車下惟庸殺輓車者帝怒惟庸請以金帛給其家不許惟庸懼乃與御史大夫陳寧中丞涂節等謀起事既而節見事不成遂上變告帝大怒命羣臣更訊復自臨問乃誅惟庸寧以節本預謀并誅之善長仲亨置不問

不服唐徵此王
吐實王言徵即

我黨護併殺藏
事正與此相類

益可見當日斷
獄者之實非信

藏矣

李善長早從明

祖參謀畫功成

爵列上公日當

休戚相關乃聞

惟庸逆謀並不

即時棄發幾致

變亂攝成則善

長之黨在叛臣

知而容隱罪實

罷中書省改大都督府為五軍都督府

帝懲惟庸亂政罷丞相以政歸六部分大都督府為

中左右前後五府征調則隸兵部後復勅諭羣臣國

家罷丞相設府部院寺分理庶務事權歸于朝廷立

法至為詳善以後嗣君毋得置議丞相臣下敢以請

者寘重典

始南北更調用人

北平山西陝西河南四川人于浙江江西湖廣直隸

難道明祖置此
不問而後此以
星建賜善長死
未免輕重失宜
而王國用猶且
為之上書訟寃
則更謬之甚矣

用之浙江江西湖廣直隸人于北平山東山西陝西
河南四川廣東廣西福建用之廣西廣東福建人亦
于山東山西陝西河南四川用之考覈不稱職及以
事降謫者不分南北悉于廣東廣西福建汀漳江西
龍安安遠湖廣郴州之地選用

沐英襲元將托和齊

舊作脫火赤
今改後倣此

等于額齊訥路擒之

元國公托和齊知院按珠

舊作愛
足今改

屯和林帝命英擊

之英至靈州偵知托和齊等在額齊訥路遂渡黃河

經寧夏歷賀蘭山

注見前

涉流沙七日夜至其境去敵

營五十里分軍為四乘夜銜枚而進合圍之擒托和

齊按珠盡獲其部曲

以歸

已而英又襲元柳城王虜之復獲平章呼圖克特穆

爾王額琳沁及其部曲千四百人遂還肅州呼圖克特穆爾舊作忽都帖木兒額琳沁舊作亦憐真今

改

三月減蘓松嘉湖糧額

畝科七斗五升至四斗四升者減十之二四斗三升

至三斗六升者概徵三斗五升其以下仍舊

初帝平吳越蘇

蘇嘉湖在當時均元之土地士誠竊據明祖兵爭同一非理及既統一海宇則宜擴公視天下之量而偏私速結縣籍其田畝重其租糧同係赤子獨令此數郡向隅其何以昭公濟之道哉

松嘉湖為張士誠守乃籍諸豪族及富民田以為官田按租簿為稅額楊憲為司農卿又以浙西地膏腴增其賦畝加二倍故浙西官民田賦視他方倍蓰已而詔減四府極重田稅之半然重者每畝僅徵至七斗以上至是復命戶部計其數而減之而蘇州一府糧二百七十四萬七十餘石竊與浙江通省埒其重猶如此

燕王棣之國

先是秦晉二王俱各之國尋復來朝及是燕王始之

藩北平

其後諸王相繼之藩不具書

夏四月命羣臣各舉所知

五月雷震謹身殿大赦

詔免天下今年田租

六月雷震奉天門

帝避正殿省愆罷王府工役

秋七月詔天下學校師生曰給廩膳

九月置四輔官

帝以密勿論思不可無人乃建四輔官以四時為號

詔天下舉賢才戶部尚書范敏薦耆儒王本

不詳等
里籍

召至告于太廟以本及杜佑安邑人龔穀鉅山人為春官

杜穀字致道 壺關人趙民望葉城人吳源莆田人為夏官秋冬官

缺以本等攝之俱兼太子賓客位列公侯都督之次

勅以協贊政事均調四時既而穀等相繼罷本坐事

誅復召安然祥符人李幹絳州人何顯周內黃人等代之然

尋卒幹出為知府顯周亦罷此職遂廢

冬十月安置致仕翰林學士承旨宋濂于茂州道卒

濂孫慎坐胡惟庸黨被刑籍其家械濂至京師怒欲

朱濂其與諸禮之列又兼師傳之任而太子驕縱不奉詔未聞其一語之勸其他又何足稱史家阿好之言不足信也

誅之皇后以濂親教授太子諸王乞赦其死帝意解

發茂州安置行至夔州以疾卒

濂傳太子十餘年一言一動必以禮一起

一居必于道至有開政教及前世興亡事必拱手曰當如是不當如彼太子每敘容嘉納敬禮未嘗少衰四方求文者非其人不與曰本使嘗奉勅請文以百金為獻却不受帝問濂對曰天朝侍從而受小夷金非所以崇國體也帝然之海外諸國朝貢至者必問濂安否其卒也朝野莫不惜之

辛酉十四年春正月元兵侵邊命徐達禦之

先是元平章鄂勒哲布哈魯爾布哈

舊作乃兒不花今改後倣此

犯永平指揮劉廣戰歿千戶王輅擊敗之擒鄂勒哲

布哈至是命達帥湯和等討鼐爾布哈達率諸將出

塞傳友德夜襲灰山

方輿紀要在故大寧城東北

克之沐英等獲

全寧四部以歸達仍鎮北平自是每歲春出冬暮乃還以為常

定賦役籍

詔天下編賦役黃冊凡鄉一百十戶為里里有里長十戶為甲甲有甲首歲以里長一人董一里之事應後一年一周謂之排年其先後以丁糧多寡為序在

城為坊近城曰廂役亦如里里編一冊冊有丁有田

以戶為主冊首為圖鰥寡孤獨不任役者附十甲後

為畸零冊有四一進戶部

面用黃紙故謂黃冊

其三

用青紙

布政

司府縣各留一馬每十年有司更定其冊以丁糧增

減而升降之

其後復命國子生分行州縣隨糧定區區設糧長四人量度田畝方圖次之以字

號編類為魚鱗圖冊黃冊以戶為準魚鱗冊以土田為準魚鱗冊為經土田之數實為黃冊為準賦役之

法定焉事

在二十年

三月敕

秋八月河決原武

并決祥符中牟

明年春復決陝西朝邑
其秋又決棗澤湯武

九月命傅友德等征雲南

帝以雲南自恃險遠遣使招諭輒為所害乃以友德

為征南將軍藍玉為左副將軍沐英為右副將軍率

步騎三十萬徃征之

論曰朕覽輿圖識雲南扼塞當
先遣騎將率一軍自永寧向烏

撒而大軍自辰沅入普定分據要害然後進師曲靖
曲靖雲南咽喉彼必併力于此以抗我師既下曲靖

一將軍向烏撒以應永寧之師大軍直擣雲南破之
必矣雲南破分兵徑趨大理可毋煩切也永慶元

州尋廢明復置今州屬貴州安順府辰沅烏撒注俱見前
普定元路明為府今為安順府治曲靖本唐曲

州靖州地元并為路明改府今府屬雲南

冬十月壬子朔日食

制法司錄囚會翰林春坊官給事中集議以聞

十二月命翰林春坊官考驗諸司奏章

傅友德等下曲靖元梁王巴咱爾幹爾密走普寧

唐縣元為

州今州屬雲南府明史作普寧考雲南有晉寧州而無普寧忽納沽又在普寧普蓋晉之訛也今依一統志改

正

自殺藍玉沐英遂克雲南

友德至湖廣遣都督胡海

字海洋
定遠人

等由永寧趨烏撒平

涼侯費聚趨普定友德王英率大軍由辰沅趨貴州

克普定普安

元路明為州今州
屬貴州南籠府

梁王遣司徒平章達

爾瑪

舊作達里麻
今改後倣此

將兵十餘萬屯曲靖以備英謂友

德曰彼不意我師深入若倍道疾趨出其不意破之

必矣友德是之遂進師來至曲靖數里忽大霧四塞

衝霧行阻水而止則已臨白石江

在曲靖府南寧縣
東北下流入南盤

江矣頃之霧霽達爾瑪大驚友德欲渡英曰我兵疲

恐為所扼乃帥諸軍嚴陳若將渡者而奇兵從下流
濟出其陳後張疑幟山谷間人吹一銅角元兵驚擾
英急麾軍渡江縱鐵騎擣之生擒達爾瑪俘獲萬計
友德自率眾擊烏撒分遣玉英趨雲南梁王聞敗度
不能支乃走晉寧州之忽納砦

在晉寧西

驅妻子赴滇

池死與其左丞托迪

舊作達的今改

右丞魯爾等俱自殺王

英師至板橋

驛名在雲南府昆明縣東

右丞觀音保以城降王等

整軍入城戒輯軍士秋毫無犯友德擊破烏撒蠻遂

城之又克七星關

在貴州大定府畢節縣西七星山下臨七星河有城高雲貴川三

省之交為
唯皖之地

以通畢節

明衛今為縣
屬大寧府

于是東川烏蒙芒

部水西

注俱
見前

諸蠻皆望風降附

壬戌

十五年春正月命朝覲官各舉所知一人

閏二月藍玉沐英克大理擒土酋段世屬郡悉下雲南

平

先是景川侯曹震定遠侯王弼分兵下臨安

古句町
國元臨

安路明為府
今府屬雲南

威楚

注見
前

諸路及是玉英帥師至大理

大理城倚點蒼山

在大理府太和縣西山高千餘仞有峯十九蒼翠如玉蒙氏當封為

中西臨洱河

即葉榆水注見前

以上下二關為固

上關曰龍首關在太

和縣北當洱河之首下關曰龍尾關在太

和南當洱河之尾皆南詔皮羅閣所築

土酋段世元憲宗取雲南段智興降封為摩和爾綽克管領八

方世有大

理十傳至段寶世甯之子摩和爾綽克舊

作摩訶羅聞大兵且至聚衆扼下關英攻之不克乃

命王弼等東趨上關自以兵綴下關為犄角勢別遣

胡海夜從間道渡河繞出點蒼山後緣崖而上立旗

幟昧爽軍在下關者望見之皆譟蠻衆驚亂英身

先士卒策馬渡河水沒馬腹將士隨之胡海之師亦

自山而下遂斬關入拔其城世就擒分兵取鶴慶元

明為府今府屬雲南

畧麗江

元宣撫司明為府今府屬雲南

破石門關

在麗江府舊通

安州西

下金齒

註見前

于是諸蠻部皆下雲南平

雲南買都指揮

司布政司貴州置都指揮司

夏四月殺大理寺卿李仕魯

字宗孔濮州人

帝頗好釋氏敕詔徵東南戒律僧數建法會于蔣山

應對稱旨者輒召入禁中賜坐講論時寄以耳目諸

僧怙寵請為釋氏創立職官于是設左右善世闡教
等皆高其品秩道教亦然仕魯疏言陛下方創業意
指所向即示子孫萬世法程柰何舍聖學而崇異端
章數上不聽仕魯性剛介以闢佛自任及言不見用
遂乞骸骨置笏帝前帝大怒命武士捽搏之立死偕
下

免畿內浙江江西河南山東田租

置錦衣衛

錦衣衛
始此

儀鸞管領校尉所掌惟陳列商簿為宜無端而改為錦衣且責以緝捕刑獄之事則任過其職實為未允明祖止圖取便一時而不復計其流弊迨成化正德以後浸假而寄之事權馴至末流並復隸于東廠於是緹騎橫行詔獄四出遂成大患作法於

初置拱衛司管領校尉已改為親軍都尉府而設儀

鸞司至是罷儀鸞司改置錦衣衛掌侍衛緝捕刑獄

之事

指揮使秩正三品鎮撫司隸焉帝時有誅戮輒下鎮撫司雜治不由三法司其從校五百人祿秩名號無異京衛軍士而獨不隸大都督府稱為親軍

五月帝詣國子監釋奠于先師

帝初以應天府為國子學至是改學為監親行釋菜

禮命祭酒吳顯等進講遂親說尚書大禹臯陶謨洪

範大旨賜宴還

國子監分六堂以館諸生厚給廩餼歲時賜布帛文綺遇諸令節俱賞節

錢

流廣平府吏王允道于嶺南

允道請開磁州鐵冶帝曰朕聞治世無遺賢不聞無遺利今軍器不乏若復設此必重擾民杖之流海外
秋八月復行科舉

三年一行為定制時雖復行科舉而監生與薦舉人
才叅用者居多嘗擢監生劉政等六十四人為布政
按察使叅政及副使等官或用為御史給事中而薦

舉之途尤廣賢良郭有道秀才范敏曾泰稅戶人才
鄭沂儒士趙槩皆起家為尚書其他由布衣登大僚
者不可勝數

皇后馬氏崩

后寢疾羣臣請禱祀求良醫后謂帝曰死生命也禱
祀何益且醫何能活人使藥不效陛下能不以妄故
而殺諸醫乎疾革帝問所欲言曰願陛下求賢納諫
子孫皆賢臣民得所而已遂崩

后勤于內治暇則講求古訓以宋多賢后

命女使錄其家法朝夕省覽或言宋過仁厚后曰過
仁厚不愈于刻薄乎帝前殿決事或震怒后伺帝還
宮輒隨事微諫帝為緩刑戮帝幸太學還后問生徒
幾何帝曰數千后曰人才衆矣諸生有廩食妻子何
所仰給帝遂立紅板倉積糧賜其家諸將克元部俘
寶玉至后曰元有是而不能守意者帝王自有寶
帝曰后意謂得爾為寶耳后拜謝曰誠如陛下言崩
後宮人思之作歌曰我后聖慈化行家邦撫我育我
懷德難忘懷德難忘於斯
萬年悠彼下泉悠悠蒼天

九月葬孝慈皇后

選僧侍諸王

高后崩諸王奔喪將還帝命各以一僧與之令誦經

諸王之國令扶
一僧與俱西非
政體且方外之
人經涉世務鮮

有不生樂事者顧使之聞名藩籍其意何居雖後此燕師稱兵構興家難由時事相激而成然非道行邪說詭謀乘機變惑或不至漢萌逆志明祖開國規模頗為闊大而垂裕之道實乏遠圖此特小不經意而已有電廣千里之差矣

修佛事吳僧道衍

即姚廣孝長洲人

先以宗泐薦名在燕府

籍中見燕王棣即深相納數以奇謀進棣甚信任之

冬十月更定都察院官制

初吳元年置御史臺設御史大夫

秩從一品

中丞

正二品

及

侍御史

從二品

等官後罷臺

在十三年

設都察院

在十四年

都御

史秩正七品分監察御史為十二道

浙江西福建廣東廣西山東

北平四川河南湖廣山西陝西

秩正九品至是陞都御史正二品御

史正七品

後又設副都御史秩正四品

都御史秩正三品會都御史秩方御史臺初建帝謂鄧愈劉基

等曰國家立三大府中書總政事都督掌軍旅御史掌糾察朝廷紀綱盡繫于此其後罷中書省改歸六部然部有專司惟都察院總憲綱專糾劾為天子風紀耳目之司其職綦重云

十一月置殿閣大學士

以禮部尚書邵質為華蓋殿大學士翰林學士宋訥

字敏仲
滑人

為文淵閣大學士檢討吳伯宗

名祐以字
行金谿人

為

武英殿大學士典籍吳沉

字渭仲
蘭溪人

為東閣大學士又

置文華殿大學士徵耆儒鮑恂

字仲孚
崇德人

余詮

字士平
豐城人

等為之以輔導太子秩俱正五品當是時以翰林春

坊詳看諸司奏啟兼司平駁大學士特侍左右倫顧問而已

癸亥

十六年春二月始令天下學校歲貢士于京師

三月傳友德師還命沐英留鎮雲南

其後沐氏遂世鎮雲南

復鳳陽臨淮二縣民世世無所與

秋八月壬申朔日食

甲子十七年春三月曹國公李文忠卒

諡武靖

文忠疾帝親臨視及卒御製文祭之追封岐陽王

文忠

罷量況宏常師事金華范祖幹胡翰通曉經義其釋
兵家居恂恂若儒者常勸帝少誅戮又諫帝征日本
及言寵宦者過甚非天子不近刑人
之義以是積忤旨頗不免請讓云

頒科舉條式

子午卯酉年鄉試辰戌丑未年會試鄉試中式者各

布政使司送禮部會試會試中式者赴殿試

凡鄉會試試各

三場第一場試四書義三道經義四道四書主朱子

集註易主程朱傳義書主蔡沈傳及古注疏春秋主

三傳及胡安國張洽傳禮記主古注疏二場試論一
判語五詔誥章表各一三場試經史策五其應試者

國子學生及府州縣學生之學成者儒士之未仕者
官之未入流者皆由有司申舉其罷閑官吏及娼優
之家與居父母喪者皆不許入試

秋七月禁內官預外事勅諸司毋通內官監文移
盱眙人獻天書誅之

八月河決開封杞縣

冬十月河南北平水遣賑之

閏月詔天下刑獄刑部都察院詳議大理寺覆讞奏決

乙丑十八年春二月雷電雨雪詔臣民極言得失

大傳魏國公徐達卒

諡武寧

先是太陰犯上將帝心惡之時達在北平召還至是病卒帝為輟朝悲慟不已追封中山王賜葬鍾山之

陰御製神道碑文以紀其功

達言簡慮精屢為大將善拊循與下同甘苦士

無不感恩效死尤屢戰部伍單車就舍庾禮儒生談議終日在帝前恭敬若不能言帝嘗稱之曰受命而出成功而旋不矜不伐婦女無所愛財帛無所取中正無疵昭明乎日月大將軍一人而已

三月始選進士入翰林及為庶吉士

帝廷試進士擢一甲丁顯

建陽人

等為翰林院修撰二

甲馮京等為編修吳文等為檢討

進士入翰林自此始

命進士

觀政于諸司其在翰林院承勅監中書六科者曰庶

吉士在六部都察院諸司者仍稱進士

庶吉士及觀政進士之名

亦俱自此始

定翰林官品員

先是翰林官無常員

吳元年置翰林學士侍講學士直學士及修撰編修尋又置學

士承旨侍讀學士增侍制應奉等員已而承旨直學士待制俱革

亦無定秩

學士先為正三

品後改從三品侍講學士正四品直學士正五品侍讀學士從四品修撰編修正八品

至是更定

品員著為永制

學士一人正五品侍讀侍講學士各二人並從五品侍讀侍講各二人並

正六品始以侍讀先侍講史官修撰從六品編修正七品檢討從七品俱無定員其侍書及待詔則不常設

秋七月遣使封高麗國王禡

先是高麗貢使數至帝皆不納已而帝諭政府令遣

官往視嗣王何如政令安在若政令如前嗣王不被

拘囚則可許所請否則必討無赦及是禡又上表請襲

爵并乞故王謚乃遣使封之賜故王顯謚

曰恭
愍

大誥教人已屬
末其在昔殷周
誥誓尚敢畔疑
矧世風遞降更
在數千年以後
耶然學宮里塾
以為教課之資
不啻空言無補

九月古州蠻亂命楚王楨率湯和討平之

親王統兵自此始

先是吳面兒既遁帝諭楊仲明不必窮追至是面兒復寇古州乃命楨率和討之和至古州擊平亂蠻擒面兒送京師誅之楨還藩

冬十月頒大誥於天下

帝患民徂元習徇私減公乃輯官民過犯條為大誥其目有十頒學宮以課士里置塾師教之囚有能讀大誥者罪減等其後復命刑官撮大誥條目要略附

尚不致有流弊
若罪囚能讀即
與減等則凡懼
網者且得恃大
誥為護符法因
之廢成何政統
乎

載于律謂之律誥而大誥所載諸峻令未嘗輕用云

十一月免河南山東北平湖廣田租

十二月平緬

古百夷地置麓川平緬二路明初并為麓川平緬宣慰司後改隴州宣撫司今司

隸雲南永昌府騰越州東北距布政司六十六里

宣慰使思倫發叛

先是大兵下金齒平緬壤地相接思倫發懼請降詔

以為宣慰使尋又命兼統麓川之地至是思倫發反

率衆十餘萬寇景東

南詔銀生府元置開南州明為景東府今府屬雲南都督

馮誠禦之會天大霧官軍失利千戶王昇戰死

丙寅

十九年夏六月詔有司存問高年

貧民年八十以上月給米五斗酒三斗肉五斤九十
以上歲加帛一疋絮一斤有田產者罷給米應天鳳
陽富民年八十以上賜爵社士九十以上鄉士天下
富民年八十以上里士九十以上社士皆與縣官均
禮復其家

秋七月詔舉經明行修練達時務之士

年六十以上者置翰林脩顧問六十以下于六部布

按二司用之

冬十二月癸未朔日食



御批歷代通鑑輯覽卷一百